

貞懿錄

詩序

贈青邑楊令君貞孝詩序

先是華陰楊母李太孺人者以貞顯採風之
使樹棹楔於門而一時薦紳衿韋皆歌詩以
紀之居無何嗣君起家賢科出宰青邑青隸
郡河間所謂三輔地也君仁孝天成精心政
術口碑輿誦不脛而馳五雲畿甸之間稱循
良者哀然爲首奏景績而沐

王言母氏懿美藉此不林矣嘗謂君臣夫婦俱以義合婦貞臣節等耳貞必以家難而見節必以遘險而彰二者皆所遭使然節有不必於遭險者楊君邑令請卽以令論夫百里之內興利剔蠹霜肅胥徒而春溫氓庶使人稱爲慈父神君節也飲冰茹蘗塵旣懸魚鱗然無所點染使人稱清白吏節也三尺所在毅然執束權貴不避而關說不行節也此三者神識定而寵利不能搖惑氣力雄而波濤不能震撼其慷慨捐軀從容殉難易地皆然者也楊君逢

明聖之朝又依日月光際辟則天廡之駟馳騁康莊而未經九折者奉職循理自可顯揚而光大之又何他求爲哉然貞與節本之性生巾幗鬚眉總爲分內昔唐李母裴氏讀烈女傳愾然曰不履二庭婦人之恒何異而載之書彼以簪笄之流而能曉暢名義發比千古奇偉之談則詩書而嬰珪組者直當以大節

首灰心之時也奉舅姑之勤今有東海保嬰
孺之勩前無下宮蓬首垢容履霜披暑者四
十年而玉壺常注心冰則無風可冽無塵可
點非天植貞賢而有是哉貞賢曰吾之忍未
亾也以良人之有後也吾不負良人之後乃
不負良人於是以母儀爲嚴師以女紅爲資
斧示文章於機杼味甘苦於參熊厥嗣德亨
手文之而八之匪鮮能不莖青雲業今歲比
翹然爲多士冠而督學奉

詔旌節之命適下蓋易以正固訓貞而貞下起
元元必亨此非時亨之先駟耶而孟陶歐陽
不得專美於前矣吾黨盛其事競以詩爲壽
而因徵序於予予曰需之吾觀德亨文彫五
鳳噐納萬流聳壑昂霄時在卽矣異日木天
蘸筆潤色

皇綸亦何俟予言俄而賀詩盈帙予始思曰木
天蘸筆里巷作誰潤色

皇綸傳真野史豈兩相戾乎而何風之自不在

近也乃敬起而序若此嗚呼李衛識此可無
臣虜之羞馮道識此可無傳舍之誚有志扶
綱紀者慎無汗浹於忠賢之範哉

萬曆三十年歲次壬寅中秋之吉

奉政大夫河南汝寧府同知邑人成庵蘭養
直頓首拜撰

贈

楊太母李太孺人老夫人膺

旨旌節詩有序

楊太母者邑父母楊公之母夫人也公關西
名家借令吾邑賢者真未可測下車首革導
行費未嘗筮辱人其廉平不苟類如此時遼
左乏軍興大索騾牛車轉餼三輔騷動公第
勸諭自輸境內安堵若無事公其今之倪內
史乎及讀貞懿錄知公母兼栢舟斷機之美

不覺改容嘆曰母真女丈夫哉公賢固有本
矣太母業膺 今上棹楔之褒而我公政成
必來 璽書增秩益以揚親之名是母是子
足以風矣 明 樂樂棘人諸頌言非所宜與獨
以拜公孔邇之賜於太母有子誼且特憾已
致親之無由觸彼遼士之多二不無以太母
我公爲發憤也俚句聊以言志而已詞之見
笑於大方豈假顧問

蘆臺任明臣

貞懿錄

賦

楊母貞淑賦有引

恭惟

楊母太老夫人節堅崑玉貫日之暉長清操
勵南金陵霜之氣愈凜痛藁碇之永逝神遊
望夫崗頭悵連理之摧枝香襲磨笄山上不
二持節石可泐而志豈可移從一靡宅天彌
永而操亦彌礪仰事雙親而加謹午夜蠶繅

遠媿三遷於往時慈惟熊膽齊出不朽與日
偕輝影單鸞孤一時破鏡雖難續海擊鵬奮
千秋芳桂自流馨閭內名賢以母教而代父
教女中君子由艾齡而享遐齡茹蘗以持家
卽守符漸臺者猶覺其小勤績以成嗣彼抱
孤山區者堪與共傳璫樹瑤林適風塵而亭
亭直上玉壺冰鑑色澄澈而皎皎無瑕遡觀
笄黛名流總之皆間世以出歷選閨閣穎異
每多乘瑞氣而生茲蓋黃流之波九曲回環
因而誕靈不偶且緣白岳之秀三峰壁立以
故鍾毓非凡採頌口之遺津爰抽毫而作賦
敢擬白雪之鳳唱藉傾丹腑之蛩吟

蓋緝天有日星煜煜烘烘地有河嶽巍巍溶溶
積系百年餘秀毓爲人靈嚴凝而剛方玉粹兼
金精一片堅貞兮煨之愈瑩百折不回兮注瀉
必東秦關峙萃岳巉峭轟層層壁立聳蒼崖宛
然如削成騰踏絕頂嶺上卧虎龍蓮花開十
丈藕大似船橫芙蓉呈兩掌仙掌之金莖挿漢

凌烟羗嶽藥而崢嶸繡嶽疊嶽今玉女盆中西
北景瞻今崑石礮稜爰有迤北萃邑產多鉅公
名卿碩輔猗與重重以故仰邈李唐子儀垂芳
單騎一見胡虜潛藏位登黃扉兮瓊珮鳴璫二
十四考今一代推良厥有寇萊公枯竹感雷陽
官高居鼎鼐樓臺且荒涼盟澶淵以奏績遂洗
滌乎邊疆綰北門之鎖鑰乃驅逐夫羯羗此皆
萃地之產然猶異姓而非專族也越惟楊氏今
亦旣多且賢垂拱誇四杰炯也令盈川弱齡能
賦詩詞藻何翩翩更有啖雀者童子爲脚環數
世屈三公靡不仁且廉伯起嶮然與四知能格
天暮夜人無知清節守愈堅關西尊夫子芳譽
轟雷傳延至 昭代材賢彌著科第聯蟬靈鷲
坤驥總筭雀之苗而乃却金之世系此雖楊氏
之麟鳳而非壺儀也 太夫人名門賢母廿
年失偶寒蟾零雨難苦備嘗清操永樹式穀示
訓以母代父孝事舅與姑他姬誰能伍蛟虬蚤
獻珍聲萃振寰宇看豎駿以流鴻庸立朝而佐

主喜門闕之開大訝喧闐之簫鼓揆厥源本母
氏毓瑞培基宏遠懿灼蘭蕙琚瑤萬鎰兮崑山
發粹牟珠燁煌兮鮫人之泪盖棟楠之木不產
瘠土玻璃之寶多出海澨是以鄉曲謳吟以祝
息騷客含毫而繫譜匪特有超於今抑且遠軼
乎古上稽漢代之英明曾書烈女於銀屏曾母
之教沾豚肩以啗嬰孟母之誨斷機杼以成名
截髮劉薦倬哉陶侃高風畫荻宜訓展矣歐氏
家聲若夫魚鮓封還古也稱良熊膽和丸柳也
高翔指墨帳以啟後范門之令聞煌煌繫金魚
於慈庭閬山之顯號鏘鏘昔人皆各擅其美而
太母獨兼顧其長况夫喆嗣捧檄而束帶益徵
家範之高邁迄今白髮暎蒼顏肅清闈儀永不
改遠紹妊姒之徽音徙倚北堂而長泰嗚呼貞
母之德譬彼松柏經霜霰而不變歷四時而不
忒貞母之躅譬彼荆玉無纖垢之點翳且温潤
而縝栗松栢可以比其節荆璧可以比其潔水
操播之而鏗銅清標領之而烈烈山阜崗陵堪

擬壽其恒如日升如月尚陵長在日月皎億萬
循環頌賢哲肅蕤都梁爰書無辭在在膾炙人
人口碑媿事騰芳異襖後行看觀風勒鼎彝

甘泉羅弘誥

贈

楊母李太夫人貞節賦

慨自栢舟風邈蘆荻灰涼悵松姿於雪冷嘆筠
節以霜寒幽芳寥渺貞懿空殘徒令閨芳黯秀
彤史靡香豈如華陰聳麓潼津瑞毓鶴翥騰冲
龍翺雲穆仙峽霞籠靈臺星矗葆扶輿之清晶
洩兔烏之孕育呈菴馥於藍田結蘭馨於函谷
爰迺直誕閨慈德樹型儀淳和鐘懿微淑含怡
隴西族望於歸及笄鹿車甫挽眉案初齊滌瀝

身書錄 卷七
五
烹潔蘋繁采宜柰飛露今早寒對菱鏡今孤鸞
守空帷今寂歷哀燈影今殘黃淚重泉於不竭
結寸腸而若剗矧夫椿庭樹老萱室枝單呱呱
襁褓泣夜聲長聽鳥啼而月慘酒鵲血而心傷
更沙田草蔓頽壁風狂甃空絕粒爨冷烟刪獨
飲水而悽切空茹蘖而悲涼金針泣鵲王杵愁
蜚吞聲鶴啖咽苦猿腸掩寒扃今雪色望空梁
今月光幸而掌珠在抱含輝夜照撫頭角而崢
嶸試啼聲而英藻剪焰宵深拋梭漏杳子讀今
五夜攻心母緝今三遷立教果見靈鷲翔空神
留驟風朝捧檄而色喜迎親養於花封和熊勵
苦還酢忻逢冀北之新猷鬱起關西之舊譽芳
隆堂上今貞心自潔庭前今玉節摩空昔

綸音之顯淑今

鸞誥之重封非婁其於凝凍寧煦燠於春融吁
嗟今敦風零落網維散節孝如傾波泛濫華陰
女史砥中流鸞章絢彩雲端爛慘淡水操五十
秋長夜蕭蕭今始旦

貞懿錄

詩

五言古

青鬢捐鴻案華巔跬鳳幃楚心三尺息藉手百
年歸塵匣空埋鏡流黃委斷機名隨江水湧義
就古人稀佗際憂長鞠艱危起式微熊九知獨
苦鶩羽見雄飛赤鳥依護碣朱筵暎彩衣 綸
章初錫命彤管倍生輝金石真難雕志胡願不
違開芳同寸草從此報春暉

河東仇時古

陸海稱名邦，崑崙出賢哲。更羨閨中人，卓偉貞貞潔。紅顏事夫君，倏然成永訣。撫孤半百年，凜凜操冰雪。矢志靡有他，泣盡肝腸血。一日奏九重，天顏生大悅。綸章被里閭，輝光慰泉穴。赫赫賢聲揚，千秋良不滅。令子列郎官，循良稱俊杰。指日登要津，勳業媲夔契。愚分屬編氓，仰止高山切。

其二

慨自光岳分，世鮮重彝常。卓哉楊太母，勵俗振坤綱。結禱從夫子，念載稱未亡。供魚明婦順，和熊敦義方。五袞守清白，百狀艱辛嘗。矢心堅金石，完節對穹蒼。直指來觀風，據實乃疏揚。恩旌出紫禁，爲此風化彰。當今趨澆薄，不變爲陶唐。

常熟顧大章

華陰隣涓涘，文母擅高風。地靈多毓秀，古道豈專隆。卓哉楊貞母，庶幾追芳叢。當其始結禱，家

政萃其躬幽靜自天植禔身謙以冲婦姑無勃
谿齊案意亦融天若成其節郎君叶夢熊一時
家難起少婦罹多恫戚里難堪此幽心遠且雄
方以甘易苦奪志訟如訏九死惟堅操一生不
惰聰有姑病且老事之謹而終腔中血已盡嗣
後念無窮蠶績供而讀飢寒賴女紅慙慙爲晝
荻蚤已遂飛鴻捷門如處子 帝國欲乘駿猶
僅清白訓希絲四知公望夫堪化石令譽華峯
崇振紀知不遠微儀啟 重瞳黃麻與青史萬
禩著流虹爲誦名賢筆乃燭秉彝衷俚言揚盛
美布鼓過雷同

西川胡如楠

伊余四方人往來華陰道華陰多知交湯君中
寰好君少著才名巍科致身早息駕拜君堂堂
上贈言藻因嘆母節竒撫孤在襁褓百千其苦
辛百千其懊惱紅顏忍死心髣髴今皓皓昔也
延宗祊忻茲門更造花封令譽聞 綸恩褒上
考潘輿擁綸珈咲脫荆與縞太華何足崇斐光

等蒼昊士紳共獻觴願母後天老

池陽來復

楊氏族稱盛坤儀尤自竒廿年忽失偶連理痛
摧枝清節風霜厲貞心天地知芬芳月裏桂馥
郁草中芝竹幹常凌日栢舟一泛時護花已現
瑞鳳彩更揚眉閭範承君寵恩光賜勅詞令
輝遠邇耀仍看播來茲

青諭胡中式

峩峩華嶽山洋洋渭川水渭水逝不回華嶽山
不毀水流與山峙金麗天地裏亭亭楊母節如
石中流砥泠泠楊母心一清直徹底古來竒行
人有誰可堪比卓哉其姜賢後先相濟美當其
永訣時誓死殉君子惟將未亡年強爲辱稚起
兒忽攫痘瘍籲天心如燬可憐清白裔不作若
敖鬼冰蘖數十年恍如旦暮矣賢令能克家雄
飛任萬里滿植河陽花流澤太母始中山一何
幸節孝式仰止昭代重節孝貤封自天子媿
我自弱齡亦罹陟岵累恭遇聖恩宏錫類同

一揆何以荅 聖明恤孤慈心使何以旌楊母
萬古垂青史

古滄姚延慶

炳炳楊氏母婉孌遵令儀鮭珍并線續膳服適
攸宜二十捐鴻案千秋泣鳳姿蒼松堅不墮白
壁皎無疵黃鵠明幽志青山鑒苦持勞看躬績
夜徼羨煮絃時截髮聞前典存孤屬後期蘋諸
憐尚在醫彼誓何之鉛澤寧堪御年華總自馳
但教心似鐵那惜髮如絲世德青箱遠家聲素

業知和熊憐哲母變豹喜佳兒儒術勤三卜文
章鼓萬吹養成珪璧器賦就栢舟詩出宰沾
君寵馳榮奉母慈護堂欣畫錦萊彩暎朝曦追
贈馨遺澤生封介壽眉幽貞松竹茂大孝板輿
怡讚頌方伊始掄揚豈是私翟禕稱盛典彤管
紀清規誼屬通家子情杼下里辭

四明孫大猷

河華熒婺曜凝爲窈窕姿芳蘭總環佩明月偕
襟期委禽相夫子純孝永不移但可存先脉股

裂寧相隨三魂泣冥漠日爾何其危天地皆震
動繁祉歸麟兒鴈塔題名字嶽雲靄紛披帝畿
兩製錦雨露日以滋榮奉如綸詔況乃介龐眉
苦節千秋鑒芳名垂鼎彝夔譬彼婆娑樹盤根橫
遠枝

驪下武獻哲

關西有貞女結禱從其夫謂言百年志畢愛寧
須臾旣織鴛央綺復攀連理枝覩此芳菲節永
此艷陽時金風歔變厲霜雪摧瓊姿所天竟淪
喪中道成化離孤幼誠難死相從非所宜慟下
摧城淚誓死栢舟詩拊兒何幸楚熊參勗冠組
截髮爲延賓躬織心靡鹽兒果天下才桂落吳
剛斧英問遍寰中榮施動天府鳳向九皋鳴鵬
振扶搖羽志洽泉里人 恩光被黃土死易立
孤難母真得遺矩詎直挽頽綱芳名薄千古

華郡張士鵬

清時宣母範路載口中碑一旦亡夫子兩旬守
稚兒松花經雨瘦菊蕊感霜時孤雁入城暮寒

砧擣月遲丹山起鸞鷲白日揜魍魎將去擇隣
舍徙來對泮池宮墻習正學俎豆仰先師機斷
功方續螢明見不疑青雲接韋布丹桂長鮮枝
采采芝蘭秀天天桃李宜班衣明皓髮香露染
交梨仰斗星爲極添籌海作卮調羨傳鼎鼐補
袞動果愚雪煜幽人賦芳徽烈女詩 皇恩百
代潤嗣緒萬年貽獻年當其壽祝釐無所私殷
勤畫勝事才短不成詞

潼關張元勳

楊母稱靜潔夫歿淚垂血淚下慟無窮慟來幾
欲絕幡然念孩提衷曲情千結想像栢舟芳模
擬荻畫訣拮据不憚勞績紡無中輟温清省翁
姑慙懃擁帚蒔鍵門守孤闈隻影弔形孑勁以
鐵中鋒皎如天上月只今四十年清擦凜兵雪
茹苦格玄穹玄穹鑒壯節紅顏歷白毛齟歲躋
耄耄令嗣薦鄉書待時朝 帝闕 九重煥紫
泥萬古咏貞烈太史續青編其姜同一轍

華州郭有光

高臺築懷清巴寡擅丹穴痛哭崩秦城孟姜矢
高潔總完身與名未聞託孤節誰得似碩人徽
烈雙無缺太華俯咸京下視皆蟻垤渭水浮安
流不數汎泉冽辰女含德來名與鴻光列別風
泣煙梧孤標振松雪守諾養舅姑剖肝未爲烈
剖血撫若雛恩勤鳩性拙畫荻夜和熊赤霄奮
才杰天馬汗血駒越抹與燕刷展驥試蟻封仁
狎桑雛悅關西有古心四知聲寔埒咸曰母氏
賢敬姜比明哲旌 詔有黃麻天壤名不滅京
兆多名媛碩人獨冠絕婦德與母儀千秋彤史
揭

蘆臺林汝梧

繫侯桑雉仁翳母鳩拙以此春風溫覘此秋
霜潔邈矣其姜儔豈不與之埒朗粹誕華宗玉
映冰心徹誓爲古井水豈詠謝庭雪束髮配梁
鴻椎髻性所悅相偕挽鹿車桓鮑與顏頡溘爾
弔離鸞黃鵠聲淒切剛腸貞匪石勁質心如鐵
不辭殉九原所憂蘋孤折無那視息存體粥稍

從嘜箴管問雞鳴尊章幾大耋脫奩理兆域盡
傷腸欲裂亦有隔腹雛飼之心如結撫字穆姜
隆飲啄剖心血臺使采風聞九重亦悲咽
帝曰咨淑媛幽蘭芳獨擷勅使旌其閭用以風
薄劣明明格帝闈我侯蔚時傑水擊翼垂天
榆枋詎絆紲乃知鳴鳳雛由來生丹穴屈刀試
吾蘆酌泉茹冰蘂長流玉槩聲滹沱清且冽詞
人頌栢舟新詩如綵纈顧我比竹音劍首濫一
快憶昔有誠臣程嬰立孤烈憶昔有慈母鄭僑
惠奠絕維母女丈夫踔厲古軌轍睽此清白遺
我侯嗣明哲噫嘻世道喪古心日寥泐成事託
六尺死事信一決從容就義難此事誰能別泰
山與鴻毛意卑聊爲說

蘆臺李乾淑

蘆臺初製錦關西遠淵源籠中桃李蔚田間麥
穗翻兵燹無時警遼陽悉索繁我侯惟保障閭
里不騷煩循良軼炎漢有訓自堂萱旣矢栢舟
志還切畫荻勤嘆息嬰曰往我母獨青芬聖

主褒徽節婺光映祥雲況復達人起三公其未
量母訓成我公我公惠蘆陽揮毫誦懿德彷彿
孟母旁

蘆臺孫昌祚

蘆壤接渤海誰息潢中兵于今遇夫子允矣龔
少卿菱芡將有積桃李初向榮亂繩何遽理明
府稱廉平誰知清白遠有母軼曰嬰韶齡其玉
碎寒節傲冰清顧影悲朝鏡和尢伴夜檠教書
勤晝荻蘋諸負鈞衡製錦第出緒膏雨望蒼生
且塵萊蕪餽還和鼎罪羹羹業關西續萱光姬
姒并捧檄忻崇養 重綸佇特旌千秋彤管裏
奕奕播芳聲

蘆臺王茂孚

曾聞楊伯起斯始識真人品踞華山峻骨隨衛
水齋青衿沾化雨梨庶藹陽春旣圖飽遼伍還
恐耆吾民樂輸果誰鼓因感內史仁揆席堪翼
主捧檄爲怡親阿母古姬姒祥源端在茲紅
顏饒節俠烈日鑒貞慈鵠操一生事熊丸五夜

思又嗟鸞影獨今見鳳毛儀太史觀風慕 皇
恩表閭優門墻瞻懿範交口歌柏舟誰知清白
後壽母足千秋

蘆臺張本端

卓哉楊氏母貞烈非尋常季方二旬餘孳孳守
孤霜節壯華峯麗潔溢菱荷香竭力奉舅姑艱
辛總備嘗惟圖親心豫那知勞瘁傷閉閣嚴教
子薰之以義方積學富五車策名在 帝卿母
真如曾孟子已見翔翔榮封應在卽福壽兩無

疆

邑人楊惟謙

斷機千古事馥馥映青編子貴標親節親貞訓
子賢嗟哉楊氏母綱常自荷肩栢舟竟其志更
比金玉堅織成雲錦爛刺就朱紱懸爲告皇華
使明珠莫棄捐

屈憲

藁砧何所適隻影弔孤蹤自信綱常重不爲膏
沐容丹心延白日素手樹青松夜哺衾中穉晨

聽牖外鐘愁顏在詩禮剪髮宴章縫教子期無
誑追夫苦未從九原如可作四德恐慚儂盆口
惜餘粟機頭缺自饗豈惟已所繫猶慮子無供
看霧驚成豹歸川喜見龍人憐肝血盡天錫露
華濃白雪詩千首黃麻詔幾封慈親與孝子
施報慶躬逢

李作桐

火炎崑山玉色澤不能變麗水產黃金真精堪
百煉玉可作圭瓚金可飾帝弁金玉陟明庭夫

人節始見

劉三綱

雪傍門墻久日熏節孝芳馭駕浴露冷孤鴈吸
雲翔荒徑菊偏耐深山蘭自香課勤昭荻畫訓
儉在機張思苦心如石淚零鬢有霜閨闈植節
概笄黛范賢良古栢千枝秀蒼松萬葉長紫泥
傳鳳詔淡墨入龍光聲滿枌榆頌慶輝桃李
傍徽堪孟母金道與鄒軻昌

趙秉翰

恭惟

楊太母二十羅孤凰性秉其姜操矢志撫黃香
念此藐諸孤禴祿日相將殷憂歷百折茹荼無
怨傷寸心堅金石懿行邁珪璋課子寒蠶業直
月對流黃滌自鳴雞著慈因畫荻章鳳毛殊不
忝驥惠更飛颺一經際 明時漢代有循良兩
地爲霖雨爭頌關西楊閭闔雲霄闕聲華斗極
翔慶源開浸始貞節肇基長 龍飛值九五旌
表勵其姜 覃恩寵阿母耀閭 勅建坊允孚
遐邇望揭日照簡緇願母壽百年含飴坐北堂
萊綵翩翩舞繞膝事稱觴美濟 三朝盛孝傳
奕葉光縫掖聊作頌萬古振綱常

古滄周貴中

貞懿錄

詩

七言古

秦中楊母惇惇身百年侃侃垂令型誰遣悲鴛
度隻影恐聽孤鳳中夜鳴人稱未亡永自矢
儷緣慳願震死三齡弱徯未能捐和淚丸熊
鵲起茹荼食藜移芳年光儀自暎蘭臺賢親
睹會霽飛鸞鸞恩私忽已慰重泉當日爭憐玉
臺折栢舟今始誦餘烈而昌而壽孝節酬燁燁貞

魂麗孤月清時能合巡方臣却采幽芳報紫
宸頻邀俞旨來閭闔共叱榮名與日新

吳郡顧秉謙

天地合德兩儀尸其功日月合明兩輪當其空
婦理坤象地匪天則靡所覆肩婦秉陰應月匪
日則靡所繼照嗟哉楊母罹其艱廿歲夫君中
道塋天墜日沉伊誰倚笄笄折軀有何難一念
殉夫方就義再思遺孤孰與庇夫君一脉圖元
宗終日九迴不忍弃且脫簪珥毀容妝且勤紡

績事姑嫜贏得兒童成立早可施三遷教子方
卧薪嘗膽甘自苦畫荻和熊期子豎長揚賦就
成大儒太華雷起鳴寰宇掇科亦旣悅母心綰
符尤謹遵母箴載覩烹鮮與製錦清風過化聽
琴音麥隴雉馴村犬靜家傳戶誦彌萬井薦膺
璀璨滿公車聲名籍籍重彝鼎天顏有喜近
臣知鳳藻傳宣映罽毼御屏蚤已書姓字臺
省虛席應有期逖稽棹楔表宅里載繹璽書
地宦即母節子孝兩無虧東海西秦揚金紫從

此焚黃慰九泉端爲子孝與妻賢冠裳寵賁荒
丘上珠繡光縈瑞室邊日月重暉五色誥乾坤
常溢六旌篇三秦盛美一門萃彤管貽輝萬古
鮮

古滄王國祚

丈夫抱義從來易閭德惟艱自昔然畫荻和熊
今已矣峻節惟欽楊母賢楊母之賢何以知採
風使者遴其竒上以幽貞報天子綸音五色
自天貽歲寒歷盡冰霜苦松筠特操昭千古鏡

中清影弔孤鸞膝下儒才成繡虎茂宰翩翩隻
鳥飛盧臺百里戴春暉循良漢代真難覩豈第
明時洵所稀祿養今看榮鼎霏榮親更喜流
慈愛歡承不着萊子衣公餘但奉萱闈誨明月
機絲霜夜砧淒其對此淚沾襟念余及週歌陟
岵拮据深勤母氏心我母若母稱同調臯蘭汀
蕙心懸照兩兩黃鵠各天涯芳名懿行期相肖

渤海王公弼

瀛東三月花如繡東皇粧點春光透好把河陽

一縣花慙慙敬獻南山壽 太母原是瑤池仙
爲植綱常下塵寰性稟坤德順而健孤芳高金
太華嶺伉儷琴瑟嘆中歇二十之歲失所天矢
志栢舟不可奪育我賢侯宗祀延茹蘖噬水心
良苦畫荻丸熊教益堅我侯丰骨稱神駿下帷
發憤承 慈訓致身早已步青雲遂有天書出
紫禁建坊縣楔標姱節 太母千秋榮淋聞我
侯捧檄治瀛東原本孝思篤貞忠敝邑义敝人
重困撫摩直與保赤同除煩去苛民不擾解結

䟽滯下情通農夫力田安隴畝青衿肄業滿黉
宮四境澄清妖氛熄共育春風和氣中含哺鼓
腹歌何有地厚天高戴 太母茲春況是設悅
辰稱觴宵落誰人後 太母翟冠擁象服正位
中堂開戶牖我侯綵服拜庭堦相隨儒紳無童
叟齊祝眉壽萬斯年紛紛拊舞頰稽首從此勲
名逮 九重 龍章洊至知非偶一門節孝兢
傳芳青史昭垂定不朽鰥生俚語代輿情下里
才疎愧瓊玖

觀城霍德行

楊侯出宰流芳問詢厥淵源本慈訓已將慈和
溥東瀛懿範還堪垂久近閨閫懿範咏西土其
孟芳躅誰步武關西大家歸楊族侯有母今前
無古古來列女惟節孝亦有賢母能豫教皎如
繁星麗太清擬之阿母猶窺豹百年最苦中道
別阿母廿年成孤子從夫三載家四壁貞心烈
骨冰霜澈慷慨殉夫事亦奇翁姑無子依阿誰
堂上承歡厨下淚此心惟許鬼神知死事容易
保孤難況復雲程振羽翰寧止自了生前事爲
貽亡人地下安吁嗟乎阿母之節節而苦婦當
子今母當父既貞既孝慈且嚴硜硜一節安足
數阿母之苦苦而其聞斯馨兮穀斯戡惟能半
生其其苦故來壽考錫冠簪壽考無疆罔與陵
冠簪奕世日方升天人之際應如此予惟嘆阿
母之德合乎中庸不可能

觀城霍維華

楊侯有母水壺湛照映丹心長存旦廿年卸却

鬢髮替霜雪，渾頭節乃見。借問母家何，水山華
陰更在黃河畔。河水會聞天上來，奔騰萬里積
石撼。瀚泓澎湃過龍門，回首潼關底柱現。任他
塵世摠濁流，自有賢媛浣素練。崔嵬西岳鬱來
龍，岡巒頓跌崑崙綫。仙掌竒擎櫛沐盆，峰頭峻
削芙蓉面。玉女倏然隱翠屏，較來楊母無真幻。
湖海忽沉處士星，林丘待表真人贊。踪跡常遊
鶴鹿群，希夷留作烟霞伴。騎牛人去不重來，叶
鳳臺空徒自嘆。泣血同歸泉下君，何人爲負堂

前擔。況言滕下是龍文，孟教陶規豈不念。草霜
風燭舅姑衰，笄嬰子影神魂黯。拮据勞褻方寸
知，玲琮盡脫奩櫳淡。湘淚重增竹塢痕，牧笛詫
減桃林豔。伊吾紡績兩軋軋，風雨晦冥獨盼盼。
艱難易百年，心伶仃誓舉千秋案。既定母儀
慈以嚴，更嫺內則柔而斷。關右一朝桂子香，畿
南兩地棠陰遍。覃恩載繼旌旨榮，官箴肯
爲清白玷。三台行振鱣堂聲，奕葉寢昌應有驗。
板輿奉母到東陽，風過瀛洲草木香。鶴舞琴鳴

花冉冉簾垂直靜月蒼蒼仁名雅共貞名播化
日重遊愛日長會人喜共禧民祝願歌冰壺頌
一章

海岱劉一蕙

坤結體兮乙凝神閨中刺繡奪天孫幾番練就
淋媛德弱齡介福向哲人雞鳴勤佐先生紫鳧
雁宜言叶靜琴倏焉先生浩長往撤却孺人甫
二旬孺人誓志瑤池雪鸞鏡生塵摠不親編竹
爲廬蔽風雨不妨霜露映簷新黃鸝歌罷勤機

杼畫荻和熊與轉殷三十季來伴星榻皎皎光
明金月輪一點貞心通漢表膝前寶樹桂香芬
符分瀛海調絃韻雅擬循良第一倫孺人冰肝
照千古寧獨芳馨播三秦 詔下築臺高萬丈
清懷百代有餘聞三十年來嘆藁亡清肝一片
凜冰霜栢舟蚤沉徵心苦熊胆頻丸授子嘗膝
桂共誇聯月色掌珠爭羨奪奎光如今 詔下
旌淋範木鳳翩翩報北堂余與楊老寅丈共仕
瀛東謬忝知己聞太夫人楊母之德音足查風

當世範來茲 題之呂識其威美爾

東牟吳國華

一絃僊調九霞衣端坐麒麟叫紫微烈志貞心
餘四紀與天奪得玉環歸上帝猶憐人獨苦教
兒擁作民之父天邊朝 闕鳥飛鳧郊外行春
車載雨芳園阿母宴當中繞砌花開照眼紅三
日庭前雲不散鸞書捧出 大明宮

南州涂山

君不見太華山頭玉女峰峭壁直削青芙蓉明

星曉日迴蒼龍嶙峋霜霰結貞松又不見桃林
賽外潼津水百尺寒潭清徹底驚風激浪蛟龍
起玉壺水映何能爾以知此中啟英哲凜凜正
氣千秋潔四知清白宗關西更見賢媛挺高節
賢媛之節絕世無十九分鸞鏡影孤膚塵面垢
衣全縞徂月秋砧淚欲枯一經自代趨庭教蔚
文變化南山豹棘苑名香母德揚母德堅貞子
純孝聖母淵源不魏李堅貞伊昔存彤史再表
關西夫子家 帝眷重旌節婦里苦如房母心

誓耳哀遺音眇蒙十旬自襁褓鞠育遺讓守濟
陰髮如張母截隴西有餘烈青松白玉壁間題
成大夫榮閎閱兩母垂芳千載間姆訓閨貞
足攀單坐近進潘與宴上壽榮輝輝華山

茂苑高體信

華山嶙峋不可測黃河咆哮觸龍門遙目河山
何壯矣伯起高門今尚存我公淵源由來久其
初孤貧恃有母阿母孤貧一栢舟力荷綱常垂
不朽貞心寧不誓同祖磨笄自古義豈誣爲念

衰親與孺子上承下撫謝先夫上承下撫誰其
羽佩箴和丸心獨苦將兒六翮奮飛翻橫絕書
雲入天府此時天府甚繁華此日孤幃轉嘆嗟
四十年來點字血始延清白脉如芽清白子孫
貧無比蔬食步行人將耻誰識三公升先生于
今四知推夫子關西夫子來吾廬江渡虎今郡
還珠那堪羽書速驚電賴有循良沛恩濡最喜
吾廬遇循吏狎雉馴童良足異乃知貞母發祥
長天錫熙朝公輔器感母渥澤景母芳鴻鈞轉

氣先水霜因嘆人生多難植空具須眉志良
乾坤正氣由人植東征將士胡掃地使聞母節
鐵石堅金死律陵無處避巨靈猶訝砥中流連
峯巉絕獨與侔絲綸縹緲來天上節孝崢嶸寧
宇周毛生捧檄色何喜秦皇築臺雲外起羨公
深慚予匪莪不洎銜悲曷有已

蘆臺任明臣

茫茫宇宙人何多屈指丈夫能幾何堪吟丈夫
列須眉一遇艱辛節便虧何如華陰楊太母高

節挺出華峰陡母節云何耀三秦 天子至爲

下旌綸只因阿母遭遘奇一點貞心永不移憶

昔芳齡喪所天矢志殉身共九原旣而轉念忍

一死爲憐膝下有孤子四十餘年歷萬辛撫育

孤兒冀成人有兒奮翮致青霄花縣分符善政

饒清貧那堪魚生釜寬仁幾見虎渡濟滿門桃

李吹噓賒遍野桑麻雨露加于時遼左軍興促

是誰勞來免深督體國常防敵在舟急公不作

負反裘滹衛河流潤千里不及我公惠無底政

成璽書來建章褒子還推母義方貞母有子信
有子清白無媿楊伯起謾數築臺此日休轉思
畫荻當年愁總是悲吟黃鵠淚能開瑞舞彩鸞
翅陰彼閨闈笄髻今聲名高與華峯齊何事丈
夫列須眉一遇艱辛節便虧爲詠貞母慚餘生
感時傷事恨未平

蘆臺李日韓

京兆之楊厥伉李姑嫜溘下藁砧逝貞腸一片
矢栢舟之死靡他念髮彼獨標勁節動九重

賜帛蠲徃下詔使千載誰復嗣徽音華陰太母
亦如此良辰設悅稟文華獨佩一剛紉蕙芷結

禰來登君子堂德耀伯鸞相儷美安西女兒闢
春華冰心清擬渭河水一朝奄忽分鴛央九地
何難辱躑躅無那含情念歿存舅姑孤兒欲誰
恃身親含殮英尊嫜德安孝婦差堪擬晨庭趨
鯉夜和熊銷盡粧臺蘿簪珥翩翩六翮翥雲霄
渥洼龍文日千里暫飛鳧鳥試蟻封中牟仁風
煽桑雉伊誰畫荻自童孺睠惟式穀誨厥子只

今絃歌滿邑城彬彬文學稱吉士雖如學也溲
渤才誤收亦入參苓裏於戲殺身誠獨難殺身
未必能存祀祀存孤立報九原千載孤忠竟誰
是彤管青編日月懸婦節臣忠元相似

蘆臺趙思學

嘗觀華嶽嶙峋千仞高脉連秦嶺鬱岌巖巖蒼靄
離離培正氣削壁琢玉瑞乃韜天地嘉徵寧匪
意鐘自哲人昭靈異應期一出超等夷竒峭渾
噩應咸備關中英烈元難數於今峻節推楊母

楊母高風作世儀凜凜獨傲風霜古四十餘年
蕙帳寒水飲自甘藁自餐瑩操不慚荆玉潔貞
心寧魏葵之丹烈衷獨抱誰能匹特振頽風貫
星日也知殉節貽令名力撫遺孤靡敢失爲悼
亡人抱危戚盡事翁姑時警惕撫孤之方其云
何但竭勤渠以畫荻膝前聆訓不自供終在青
藜燭太乙文章擲地時有聲爛然幾夢生花筆
筆下淋漓皆琳琅一朝御風而翱翔吾民被之
作霖雨嶙峋雅望如珪璋沐公厚澤被公德漢

代循良是其則吾母懿訓徹四維芳謁孤貞動
紫極翊世維風勁節操翩翩 綸命來丹霄
饒膝桂蘭森且茂慈源應見發祥迺孝節獲稱
芳譽超嵩華安足兢霜操千秋青史垂靡已誰
謂須眉非若曹公之棠廡被盧民景母高蹤戴
母仁君不見萃峯喬松千歲老亭亭竒瑞高靈
椿

蘆臺姚廷贊

關西夫子家姓楊手握墨綬宰 帝傍政洽教

興民士康自云母訓不敢忘公母二十稱未亡
養姑奕舅艱備嘗鞮屨一孤影旁皇遷居擇里
依聖壻畫荻和丸有義方佇看雲霧獨飛翔五
十餘年凜雪霜一身挺挺扶天常觀風使者闈
幽光表宅樹檝何輝煌潘輿將母道路長萊公
翩躚製錦堂政成 天子重循良峩峩鳳冠翟
繡裳清白之浚第祿昌千秋彤管留遺芳

蘆臺孫維寧

阿母之賢貞且苦舅姑老矣子未舞秋風夜月

動婁其況復蕭條餘四堵四堵一身不可支每
當舉火日巳午四十歲月深如許怪應金石作
肺腑只今兒子致青雲猶自績紡漏三鼓母心
非是厭安佚良人昔貧我恐臙多少須眉稱男
子一生碌碌世無補阿母貞苦振綱常留取芳
名播今古

邑人楊呈秀

太華之石貞復貞劈破青山有巨靈渭川之竹
節復節萬頃寒烟今已滅此心炯炯比烈日萬
古千年常皎潔寄語鱣堂忠孝家好將此事酬
天闕

邑人郝光顯

凜烈節操灑氣凝慷慨殉夫一醮盟堅石有光
生夜白貞松無夢妬春紅低回嬰臼重宗祧媚
於姑嫜撫襁褓拮据寒燈啓後賢製錦不負墨
莊教君不見栢舟自誓稱共姜此誓靡忒可頡
頑又不見機頭訓嚴孟隣芳此訓脫穎更炳烺
繡衣持斧推貞良當宁早以錫 龍章山阜岡

陵擬筭長福壽康寧永無疆

觀城徐敦化

貞懿錄

詩

五言律

東劍過瀛海君侯百里良
弦歌追學道麥秀頌
平康萃律千秋節
變其五夜腸顯揚今有後
嫩譽九泉香

其二

百世賢機斷今惟母有隣
廿齡先隻影六十未
亡人剔目剛腸決丹心
白髮真璽書光草澤孤

魄起沉淪

南州劉斯瑋

華嶽獨鍾秀，萱闈景運長。
栢堅千古操，霞泛萬年觴。
佩玉隆花縣，飛鳧勅帝鄉。
還看班彩者，膝下舞金章。

渤海姚延慶

鸞鏡冰心苦，熬霄鳳藻飛。
綱常千古重，綸綍九重輝。
玉鬲分珍膳，金章燦舞衣。
聖心頻錫類，天寵碎黃扉。

渤海孫宜詵

赤縣神明宰，高風自北堂。
母儀舟似栢，民譽樹爲棠。
彤管千秋筆，班衣萬歲觴。
佇看綸綍重，白首沐恩光。

其二

昭代崇敦節，幽人荷寵褒。
和丸勤似柳，捧檄喜同毛。
華嶽精靈聚，弘農閭閻高。
潘輿時可御，應念我公勞。

蘆臺孫堪

祇爲遺孤在猶存未了身一經傳茲字雙鳥起
楓宸北闕循良重西京孝義新千秋均不朽彤
管映華綸

會稽夏懋觀

歲寒曾幾度垂白見陽春一誓如山重雙眉任
鎖頻丸熊勤古訓鳴鳳羨朝珍善報應難艾鍾
彝此日新

青訓實生彩

丹心通漢碧清節傲霜寒廿載孤燈盡三秋桂
子繁婺星增麗彩藝苑得琅玕壽考傳青鳥聲
華聽 紫鸞

邑人趙一貞

人世云何重惟存綱紀先持身瀝血後訓子斷
機前謾道栢舟義休誇梓曰賢從此輝彤管高
節印千年

石承恩

渥洼驚神駿尋源德種長鳴機高母訓入殼膾
天章學就風雲合名芬草木香誰編列傳裏先

古倍輝光

彭尚選

瑞氣覆蓬戶履霜已有年
節方衛其潔訓列呂
申賢壽詠集高士班
衣舞華筵鳳池身貴日
綸誥自綿綿

王家士

鏡裏鸞分影丹衷誓自堅
寒光凝碧漢清烈照
重泉味和凡中苦
文裁機上鮮冥冥憐勁節
玉樹茂階前

陳嗣虞

世道將誰托今知在靜惟
貞同和氏玉寒比孟
家機元氣憑張主
民風恃範圍彼蒼應有意
鸞鷲看高飛

王之俊

志定經千煉風顏守一真
忍舍欲墮淚不墜未
亡身勁操凌霜雪
幽衷泣鬼神試看麟趾
瑞應慰九泉人

其二

綱常何以振誰謂婦人難德履坤元厚精凝發
宿寒甘貧心匪石茹苦膽成丸愧彼梟鳴者鬚
眉著弁冠

王之良

節操堅金石芳名百世傳熊龙能教子鴈塔儼
登仙桂馥凝瓊嶽萱姿燦玉煙佇看丹鳳至御
詔五雲邊

陳虞裔

玉女峯頭月淑清映碧潭一塵不著境百世慶
宜男母範輝堂北天星曜斗南 恩光酬勁節
猶自理桑蠶

徐陶朴

浮沉悲世事今古一邛鄲弱柳三春媚孤梅五
夜寒眉曠衷抱赤腸結淚成丹蠹蠹青藜閣誰
云報母難

其二

結髮人焉往箠箠尚此身為看軻與其忍金仇
為倫鏡破鸞分影書香鯉振鱗青天惟皓月可

以奉孤真

陳可績

我祖德何厚我姑如其姜勁全楊氏節高振李
門芳海日傳光遠江河勒頌長負牆矜五色機
杼範成章

李承祚

弱草憐身世金剛誓此心經霜根自固入火色
猶深寂歷風前月蕭條雨後砧彭宣真忝竊秩
秩飽德音

王善士

貞懿錄

詩

七言律

孤嫠紅淚鏡中含
弱質遺孤搥不堪
瘞舅典衣寒亦燠
療姑嘗藥苦猶甘
養殮執爨形憐獨
紡織挑燈漏每三
冰操表揚邀帝寵
榮褒更自有奇男

東越孫如游

三峯靈異賦貞人
勁節稜稜不染塵
兢羨素姿

凌白雪翻憐愁淚灑青筠機殘已發庭前樹
苦終成席上珍何以甘貧益礪節于今砥柱壯
西秦

長安馮從吾

誰道撫孤成事難貞心懿行動朝端栢舟自誓
霜儀肅熊膽常和慈訓寬鳳誥遠從霄漢出虹
坊高並斗牛寒綱常義重榮如許留得千秋墮
淚看

其二

由來母子兩相成壽母賢侯晉錫榮壽母節同
天地老賢侯孝映日星明三峰嶽峙還增重九
曲河流更轉清節孝表揚吾輩事重翻詩賦細
爲賡

觀城霍德行

余邑侯楊公初任青再任敝邑兩地歌吟之
余乞假歸里始識公眉宇弘雅有遠量非百
里才也頃出其太夫人貞懿錄余益灑然異
之夫世之慷慨一朝以身殉夫者有矣然以

死者而捨生生者之節見于死無益也若夫
稱未亡人以生而上孝下慈如死者未嘗死
也其節不旣竒乎故輒爲近體二首極知不
文不韻用見鄙意云爾

以死死生節乃知以生生死節尤竒能傳素業
成孤穉何異當年自教兒板輿春風迎養日寒
機夜月斷腸時好將此景雙圖回留向觀津遺
愛祠

識高慮遠世那窺四十餘年只自知堂上溫清
身代子庭前訓誨母兼師試看今日猶良政摠
是當年一味慈莫道本源人未曉已將佳話口
爲碑

觀城郭興治

五十年來稱未亡我心匪石傲冰霜供親血抱
浮東海翼子猶聲趾召棠鴻斷幾曾空荻葉家
貧惟計典衣裝採風此日傳青史沈彼中河萬
古芳

觀城王元爽

矢節栢舟年政青遺雛膝下甫三齡淒風斷杆
慈兼義夜雨孤燈影弔彤貞懿錄成誇錦里
褒封典重荷 彤廷情深子舍堪移孝斗極長
輝寶婺星

茹藥食冰幾十年和熊忍淚總堪憐檄傳忽動
毛生喜筭減方知雋母賢華袞自宜褒四德帔
寇殊不負三遷未亡人繫網常重彤管仍勞太
史編

渤海侯 楹

隻影空閨歷幾旬肝腸如鐵髮如銀機前鳳影
千秋瑞天上鸞書五色綸雪骨寒侵秦嶺月露
衣香散漢宮春更兼仁孝傳寰宇端擬循良第
一人

於越丁 進

瑤池貝闕影披離令子鳴環曳玉墀婺泣幾憐
鳥鳥夢 君恩深渥鳳凰儀熊飛膽在還遺味
織斷機連總故絲一已清風俱母教千秋節孝
金徵奇

都下丁乾學

花縣春深晝影餘
由來婺母播恩殊
試看鸞去虛琴韻
偏有熊存調鳳雛
當日哭君心欲石
此時進酒履俱朱
千秋彤管知難朽
應見重編出帝都

都下丁承復

痛爾夫亡四十春
孤兒寡婦耐清貧
心真金石盟天地
節傲雲霄動鬼神
渭水流聲添笑語
華山草木倍生新
遐追孟母三遷教
有日恩光下

紫宸

西蜀龍塢老人

一自桃夭結悅時
真心生死更難移
青年皓首冰霜凜
苦節清風天地知
病裏難逢偕老願
愁中喜見錦衣兒
王家得雋旌賢母
天寵榮褒指日期

荆南曹文昭

早虛孟案苦居孀
自解將心凜雪霜
笄匣遠飛鸞字重
檢書親刷鳳毛長
夢回孤枕悲殘月
葉

落寒機慘夕陽奕奕殊 恩垂湛露報稱端不

負仙郎

會稽史宗陞

我儀式誦栢舟篇楊母千秋事可傳茹苦自堪
酬一處成孤端不愧三遷米心久並乾坤在華
楔新題日月懸玉女峯頭千古雪熒熒常映婺
星妍

其二

砧破幃空五十春全孤寔藉未亡身九原欲到

應由恨三尺何依更慘神天地久知心似鐵冰
霜不染髮如銀 聖朝勵世憐芳節沐得天家

雨露新

蘆臺孫 堪

寂守空帷鬢已秋巴猿聲惹半生愁驚看鵠立
千尋壁尤喜鵬騫百尺樓顛顛已經甘雨潤榮
華直向暮年收蒼旻有意酬餘澤琴鶴庭前引
仗鳩

其二

久擽茶蓼低回嘗溫語俄傳自上方一片丹心
同火玉千秋勁節傲冰霜寧辭夜斷騶賢杼遂
爾名成宓子堂卽日隨車饒雨露由來飲水識
源長

其三

腸斷藁砧老更悲直從萬古奠坤維歲寒獨許
松枝秀花滿欣瞻玉樹竒慷慨存孤真氣槩從
容成事勝須眉表闕立楔非言報取次龍函渙
母儀

其四

阻却齊眉一世盟而今纔得破愁城御輿潘岳
情何限飛鳥王喬政有聲閨閣節如持漢節郎
官清似築懷清關西夫子流風在恰得雙難此
日并

蘆臺姚思虞

念齡矢節捧遺樞屈指吞冰五十秋西母玄霜
憑寄憶東皇赤日爲遲留存孤早計熊丸苦迓
祉因成鵬翼稱自是瑤池繞五色丹書爭羨下

龍樓

其二

五十年來冰檠身移山應已動蛇神北堂管蒯
悲前事東壁文章啟後人日燠花封千戶曉風
吹蘆管一庭春宸章從此頻頻錫袖舞蘭堦
映綵新

觀城莊一鶚

一自芳年勵苦操怡親撫幼總心勞茹荼節抱
千秋烈畫荻文成五色毫正氣還同天地永綸

音不媿

聖明褒人欽

母德終何極渭水涘

長華嶽高

觀城劉世禎

華嶽鍾靈毓共姜誰如阿母振綱常淚揮蘆荻
孤燈影腸斷機杼皎月霜渭水慶流楊子澤中
山孝衍板輿芳後賢具奏徼恩寵太史書名
上玉皇

汝南周貴中

華山紫氣射萱堂鳳詔輝煌下建章一片丹心

全節義百年烈行振綱常諄諄懿訓比毆母皎
皎芳踪襲敬姜有子循聲膺 帝眷試看餘慶
樂無疆

都門華 顏

教子成名到鳳池百年辛苦有誰知機庭寒月
銷魂夜熊膽殘燈課讀時堅白難移心匪石窮
愁易老鬢如絲從今 紫誥君恩渥彤管傳芳
萬禩垂

渤海王公藩

綺歲鉛華謝御簪三峯天外倍蕭森爲由明月
懸幽照遂使清門不陸沉堪嗣單琴鳴盛治湯
勞潘賦寫悲唸而今 聖主風竒節人世寧論
雪霰侵

其二

花栽明府似河陽且頌萱闈比共姜萬戶醇膏
偏雨露千秋勁節傲冰霜 綸光遠映秦臺麗
清德猶存漢史芳自是太華多秀異玉環從此
報巾箱

蘆臺戴一心

天奪芳年泣栢舟願拚一死爲君酬祇憐白髮
坐前暮更屬青燈膝下愁課讀敢辭勤夜辟矢
心難恣逐朝蟬喜膺封誥沾恩寵堪報幽人
未老秋

渤海王三槐

凍月霜閨四十年榮名完節亦雙全和熊想見
當時苦畫翟今看平地仙迎養春風板輿上捧
觴愛日綵衣前人間盛事無今古三復栢舟意

惘然

其二

大家風範重西秦苦節尤堪泣鬼神漫道舍生
能取義須知成事始爲仁二親壽考九原慰嗣
子崢嶸奕葉新當日寒機無限意而今瀛海盡
陽春

觀城曲謔

斷鴻孤影兩依稀腸碎高堂只自知殘夜吞聲
調藥日淒風洒淚典衣時成名有子傳花縣偕

老無人冷翠帷桑海任從波泥改筠心不逐歲
華移

觀城王愛槐

曾聞愛日稽山句畫永諼庭樂意將七十經春
人不老八千爲實歲偏長教嚴膝下迥成玉潔
與天齊更茹霜千古須眉誰獨立爭如婺閣擅
流芳

觀城趙子紳

呱呱稚子黯傷神堂上扶鳩憂二親亦死爲瞑
亡後目加餐肯愛幻中身風淒雨墮傾天淚日
暮星懸化石心非爲浮名堅晚節鬚眉愧殺歲
寒人

觀城路從中

關西孔子護瀛東 聖善貞凝華嶽同四德成
終光四世三遷鞠苦裕三公皂囊伏奏 龍顏
悅綠閣標題 鳳藻隆喜見 母儀滋宦署花
開首擅 帝畿紅

觀城劉佳禎

自是貞心耐歲寒何妨霜雪妬
年年鶴影乍翻
濤未起龍鱗初作馥還鮮
絲綸袞袞從天錫
月且煌煌匝地傳
繫古關西饒勝節令人高
並
華峰看

東海莊學曾

蕭索空帷幾十春
鉛華早謝未亡人
冰霜勁節傳西國
雨露殊恩下北宸
青鏡影憐孤鳳寂
紫泥光映五鸞新
仙郎卓魯循聲著
啟廸爭歸白髮親

其二

清白古來稱世家
于今誰得踵休嘉
卽歌漁守兩岐穗
謾數河陽一縣花
渡虎仁風非溢美
和熊苦味有餘嗟
子賢將並母貞耀
錫命重加映彩霞

蘆臺任世臣

關中風氣自堅剛
太母貞操迥異常
早歲所天哀遽殞
連朝頓地慟偕亡
端揆已育青雲客
旌表還飛白簡章
會見芳名終不泯
應須彤管

記冰霜

其二

藉藉蘆城重母儀我翁視篆建功奇調停知奉
三遷教惠澤遙從四德推鳳誥行看來異寵
蠅頭此日寫新詩黔黎佩感原無既裕後貞風
萬載垂

蘆臺司民教

高節嶙峋矢不移悠悠青鬢已垂絲鏡中幾作
離鸞恨簫裏長含別鳳悲自是松篁存晚性何

當蘭桂發華滋只今聖主崇風教莫道幽貞

未鼓吹

其二

花滿蘆陽盡皞熙使君獨念母妻其春深縷燕
空相弔夜半和熊倍可嘻卽此還珠清白遠不
須畫荻教書貽幾番健羨關西美先有婺星光
陸離

蘆臺孫弘祚

青鬢操堅盟日月白頭節苦凜冰霜玉成桂子

三遷教蚤授蟾宮萬斛香
綸誥禕禴光璀璨
班衣蒂鳥舞郎當羨君慈孝承
天寵華嶽河源萬古長

古滄王家璟

瀝血成冰羅閩國撫孤植節兩從容
涇因遜潔流西極口爲爭光止華峯
寔錄汗青勤太史鳳飛丹詔耀蒼松
鱗祥已兆恩無限猶有龍章特地封

蘆臺高偉

幾度秋風淚暗揮百年偕老事全非
青春竟負梁鴻案白髮惟存孟母機
三釜祿豐酬子舍一丸熊苦念慈幃
辛勤贏得詞臣筆萬古江山盡有輝

蘆臺陳國禎

幾將彤史論貞賢勁節誰如太母全
額影自憐衾獨冷挑針還念石同堅
終朝茹蘖深閨裏午夜和熊淨几前
帝典輝煌昭世教名高不讓栢舟篇

其二

空帷歌鵲亦何吁
清白家聲幸不孤
沱衛波濤忽自靜
遼陽租稅莫爲荼
甌塵皎若冰心潔
花境熙如萱色娛
一片斷機堂上月
秦臺掩映碧雲俱

蘆臺戴素心

菱花忽破噪鸞孤
撫息營貧送舅姑
異節泠泠寒栢府
機聲軋軋和伊吾
九重色動流金薤
百里歡騰拜玉鳧
我亦竊披棠蔭下
敢辭形穢

不訶途

蘆臺高之恒

河嶽鍾靈擅女宗
栢舟自誓謝粧容
承惟藻味逾姜鯉
資苦熊丸起卧龍
月且同聲飛白簡
天綸特表沐皇封
瀛東喜聚蟠桃會
瑞溢星光九重

觀城王邦俊

節凜冰霜五十秋
艱辛履盡聽天酬
和熊羸得千鍾養
晝茲博來兩字褒
鶴髮怡觀捧檄喜
龐

眉樂觀導與遊邑涼愧乏冰桃薦惟效華封三
祝儔

觀城馬義禎

五十年餘別藁砧風霜不易歲寒心共姜婉憤
栢舟誓陶女悽清黃鵠音一片貞腸疑化石千
秋懿烈泣亡簪當時夜雨崩城淚却入春風子
賤槩

蘆臺林鄧材

曾于青史羨徽音誰似貞賢不二心殉死猶云
慷慨易撫孤難向季衰尋節同松栢乾坤老烈
比冰霜日月臨最是顯揚稱大孝芳名高耀華
峯岑

朝邑王嗣美

懿節鍾靈世所竒應知蕙圃產靈芝清風和煦
培香桂明月寒光蔭玉枝白髮自看青鏡日華
駟人羨綵衣時于今節孝稱全美豫信馨香貫
鼎彝

寧夏陳大典

負荷綱常古所難
靡他惟有寸心丹
節高萬仞嶽蓮碧
清映千尋瀑布寒
天上麒麟悲裏慶
皇家雨露苦中甘
歸來語我青衿士
孝子忠臣依樣看

延川段懷誠

恩綸特重女中賢
誰似夫人晚節堅
壽比南山山不老
福同東海海連天
鷄鳴佐讀垂青史
燕婉宜家映汗編
趾美堪承楊氏業
行看袍爛五雲邊

潼關劉天惠

米霜不厭北堂寒
耿耿常懸一寸丹
早世兩髦盟共結
子形萬苦任摧殘
貞心每挹蘭為佩
慈訓時將膽作丸
共羨芳聲達御陛
旌書蚤已下朝端

澄城韓淑與

華嶽鍾靈阿母賢
生兒能重九方歎
媿光昭徹懷人夢
機杼織成裕後篇
竹翠那經烟火妬
蘭芳更帶雨花鮮
從來四世揚公業
知是丹誠一

麻延

華郡郭宗憲

多少鬚眉愧此生獨存高節物亭亭不從別日
明冰潔直向九熊慰玉靈毓桂葉蕃天上秀種
蘭花發世間馨誰知四壁寒閨裏喚起綱常萬
古醒

蒲邑原松英

由來寸寸是剛腸自誓栢舟比共姜送往事居
無限苦青春白首總堪傷風雛已見冲霄舉龍
種新添續武長清白家聲傳漢代好將舊業佐
今皇

上洛強 恕

五十年來節操堅 九重褒詔兩重鮮栢舟曠
古無先烈熊罴于今有後賢作孝作忠心自一
爲臣爲婦道原兼漫言有子能彰母莫負鬚眉
遶膝前

馮翊胡守正

三年舉案永拋離况復雙闈白髮垂四壁蕭條

勤紡日一燈慘淡斷機時丹心未許水獨潔青
鬢從教雪點絲自是烈貞堪異獎非綠子貴沐
封貤

池陽李子奇

忠孝門中節愈奇栢舟爭烈許阿誰聊遲一死
扶衰憊獨荷百艱育祿禱勁氣千秋華嶽永血
裏一片鬼神知 母儀實範循良佐恠得 龍
章先後隨

秣陵李雲鴻

華山渭水吐靈竒玉女盆頭仙李枝驄馬出朝
邱正氣人生有女瑞明時支離不嘆節難守慷
慨徒悲操易持羅雀昔無題鳳子和熊今有雕
龍兒

朝邑段 杲

四十年來苦節貞 竢竢 嫠婦肯輕生芙蓉峰秀
鍾仙李玉女神清胤淑英機上裁成齊孟母閨
中輔相比程嬰平生最愛節和孝閱得貞懿仰
令名

朝邑段 臬

人間白首惜離筵無柰朱顏泣斷弦鏡破孤鸞
悲永夜翼分別鶴唳長天潯浚苦淚和熊膽駮
澹殘燈勉子旃寄語飛霜憐節孝須教青史筆
如椽

朝邑趙 樾

二十紅顏棄所托教兒事父兩悲傷砧聲淒斷
三秋月淚眼愁深四壁霜清比嶽蓮堪倚峙潔
同崑玉乍離崗卽今令子成名日益見當年茹

藥腸

華郡姬文胤

藏髮芳年植節深凌霜方見歲寒心兩髦杳杳
河舟賦四壁蕭蕭寡鶴吟貞淑遠宗南國範拮
據近溥北堂陰勗成桂嗣門閭振 恩錫還應
荷綽音

潼關趙昌遜

河山選勝推秦嶺東井星分婺彩纏舉案休風
追徃哲斷機懿範比先賢妙齡勘破網常重晚

節堅持今古傳載道口碑稱玉潔 聖顏開
下堯天

馮翊張翰

從終自古誦清芬茹苦聲芳草木馨蕙質已占
偕老願剛腸可卜未亡心荻灰已遂金闈志綵
服還看玉樹森白簡揚清真不朽 九重華袞

滇綸音

潼關孫柘基

瑤池寶籙自青鸞玉井蓮花映日丹出水清芬
真不染凌風貞韻獨能完秋零弱子心俱苦露
冷空房淚不乾 天上忽傳金簡字萬年渠冽

斗星寒

潼關劉育民

聞說貞光薄紫霓共姜今復見關西鬻水霜月
揮蛩淚茹蘖秋風動鶴啼金玉有瑕操不玷乾
坤易毀志難迷嗣君正喜扶搖上次第旌封動
紫泥

朝邑王可嗣

閨中久矣嘆無天豈效偷生類瓦全一死何難
爲杵臼半生且忍看星媀移將供杵經綸業泰
就驚人鸞鴛賢男子紛紛何所事綱常只許婦
人肩

邑人郭懋官

佳氣籠葱大華旁婺中淑誼不尋常齊賢陋巷
若陶母亢節栢舟儷共姜青鳥來庭桃燦錦紅
雲覆戶玉生香班衣膝下僊郎貴次第黃麻接
寵光

屈受祉

高堂勁節凜秋霜一片真心格上蒼自有熊丸
勤訓誨于今瓊樹見芬芳科名蚤遂親心悅旌
顯新承 帝命光從此 恩褒當未艾好將忠
蓋報 明王

屈受善

節凜冰霜金石堅母儀婦道兩俱全寒窻白髮
縑盆手午夜青燈教子編志比共姜天與諒義
如孟母事堪傳掘符剔目徒爲爾保後存孤始

見賢

趙乾清

乾坤正氣毓貞人誓守蓬門義自深
衛母名完千古節榮公德就一堂珍
班衣光綉蟠桃會壽筭香分火棗新
指日鳳池裁五色皇綸時荷

福頻頻

潘嘉賓

五里復生孟母賢保孤清苦菜冰堅
績聲頻喚書聲至親淚獨傷子淚漣
一點丹心光日月二

難芳譽遠雲煙白頭果遂擇隣意節孝風高華
嶽巔

趙完璧

鸞鳳分飛四十霜愁雲慘淡髮蒼蒼
堅貞宜補乾坤缺皎潔還爭日月光
莫訝遺孤騰翰苑好思餘慶自萱堂
聖明端重綱常事指日旌書

下帝鄉

王大治

獨守孤闈歲月賒可憐往事最堪嗟
秋深寂寞

閨中月春暮芬芳雨裏花金石寸心摩碧漢冰
霜一節映流霞綱常千載獨扶起佇見恩傳
學士麻

陳宗虞

河山正氣萃幽人高節凌霜萬古新金石可穿
心不改乾坤存老譽無垠丹衷白髮三千丈鶴
怨猿驚四十春軋軋機聲鳴夜月織成鞞黼報
麒麟

陳績虞

四十年餘節槩堅丹心耿耿照坤乾雪消白玉
冰壺淨露點明珠寶鏡圓湘竹淚痕痲映日栢
舟誓水浪連天培成蘭桂堪爲棟鳳詔旌貞
煥綵旃

楊惟謹

朱顏爲婦不爲華白首孀居節未涯昌後肯如
殉烈易栢舟何事巴清家荻畫晨星窺竹徑機
殘宿月映梅花堂中餘慶應無限佇渙絲綸五
色麻

張毓翰

姑舅龍種誰與扶有兒在抱泣呱呱承親每下
三更淚課子當思萬里圖已有洪恩旌晚節還
需特詔下皇都光前裕後真無忝信有人間
女丈夫

張桂芳

邃閣猿驚四十年當初鬢髮盡幡然月明忍聽
征鴻語花媚虛看濯錦媽銀燭燒殘逢宿曙冰
霜歷盡見春還巢由不守箕山節安得芳名萬

古傳

楊希旦

丹衷猶記詠河洲一旦呼天誓栢舟節壯華巖
松幹古香傳玉井藕花浮乾坤正氣憑誰主夫
婦綱常賴爾留有子聲華仝鳳彩喜看萬里橫
新秋

雷著

四十年來誓此心浮生耻作未亾人一從噩夢
先徵瑞卽結熊丸不了因腸斷何堪金石裂名

成惟見紀綱新栢舟罷響共姜逝阿母芬芳亦
後身

李可桂

吾師槐里坐傳經詩廢蓼莪我不忍聽憶昔椿庭
先謝綠至今萱圃始含青摧心鶴唳當年事失
伴鵠飛此日形慈訓每從函丈得深閨猶自聚
車螢

仲懋績

千丈青松摩碧空耻隨弱柳任西東窺窓惟許
砧中月捷戶不通陌上風半世嚼熊欣仲郢百
年舉案痛梁鴻日邊次第榮封近始信蒼旻報
德隆

劉景耀

宮墻仰止瀑流寒好比淑人節行完九夏當空
飛散玉萬年爽氣任青巒冷灰畫地喪還熱白
雪盈頭心更丹幽谷鳴鶯春報曉大家同作畫
圖看

么運昌

天孫何故出瑤臺只爲綱常扶義來淚血還嫌
腸未斷崩城纔見志難回共姜九死言猶在孟
母三遷命世才 帝座喜聞甘節事早傳木鳳
下金階

徐學古

鳳侶當年入夢思龍媒此日正乘時喜逢北闕
旌揚典更頌南山獻壽詩雙袖宮袍欣子舞千
秋彤管見師資還期手植三槐在奕葉休徵玉
樹枝

觀城王光寵

貞懿錄

詩

五言絕句

丹山有鳳凰和鳴正鏘鏘胡爲中道別彩鳳墮
高岡

其二

鳳逝餘凰在雛哺日艱難拮据爲充腹竹實與
琅玕

其三

啾啾含嬌育翮長九苞新 聖代來儀好 翮
翩入 紫宸

其四

瑞感 龍顏動 旌褒下 玉京鳳母沾 恩
寵光輝閭里生

蘆臺孫惟禎

夫死身猶在兒昌志始酬程嬰全趙日能異此
難不

邑人陳繼虞

夫字因妻顯兒成爲母賢共姜千載後今始見
君先

張桂芳

貞懿錄

詩

七言絕句

貞木陰陰覆女墻
離雛款款近雕梁
尚傳截髮當年事
霜鬢于今永北堂

其二

一片貞心烈士腸
孤幃冰蘂萬年芳
代終已畢良人志
不忝人間稱未亡

渤海王家基

變破鸞分失所依孤身獨自守空幃真心匪石
難爲轉皎潔常爭日月光

其二

自守霜幃五十年青燈夜雨獨蕭然高風不數
奇男子太史標名奕世傳

蘆臺李茂華

紫雲籠日映班衣有子成名瑞彩霏千古英聲
誰得侶栢舟元自屬閨闈

邑人陳鯤

教子蜚英作大儒文章蚤已動 皇都冰霜獨
茂秋來桂青史從今讓美無

陳鴻

孤筠標對宣尼廟勁節凌霜四十秋高孕一枝
霄漢外聲傳鳴鳳播神州

張俊良

貞懿錄

詩

五言排律

辛苦茹荼日
淒涼誓栢情
韶齡甘玉碎
寒節傲冰清
頽影熙朝鏡
和熊伴夜檠
孟賢機杼教
潘孝板輿迎
列鼎忻重養
重綸佇特旌
千秋彤管裏
奕奕播芳聲

秣陵芮世晉

七言排律

華岳峩崕渭水傍誕靈楊母應期昌有行載道
歌桃李入室齊眉詠鳳凰共羨蘭儀閨裏茂豈
知鸞影鏡中戕貞心匪席堅金石勁節凌松傲
雪霜寂莫淚因晝荻落劬勞腸爲機斷傷熊丸
舊自和寒月鳳翮今看振曉陽花縣幾年頻借
箸剡章指日報循良謾言勲績歌襦袴賸有訐
謨贊廟廊宸藻寵頒恩浩蕩潘輿迎養路輝
光承歡彩袖聯雲紫載喜金萱照座黃清白家
聲追伯起悠悠五鼎慶源長

渤海趙光宁

附六言四首

青春節殞紅淚白髮名褒紫泥百年塵封玉鏡
五彩 詔下龍墀

其二

匹雁天堅烈日茹茶心凜秋霜荻畫功成花縣
潘輿 寵耀金章

其三

萱壽久嘗丸苦桂榮獨沐 恩波桃熟瑤池開

宴班衣膝下鳴珂

其四

鳳藻帷榆寶璐龍文翠綉明璫
北闕獨褒節
孝關西千載垂芳

渤海孟從雲

貞懿錄

詩餘

玉女搖仙佩一首

蕊宮瓊質偶落仙班纔人間
鴛侶腕約金環裙
拖玉佩響徹華堂簫鼓擬把佳期數
筭天長久
百年如故誰料想孤鴻別鶴一旦分飛拍天風
雨念人去武陵天上清光減却三五
記得結
禱初誓杵臼相將耿耿南窓對
記事到而今遲
回顧影梁案久塵何許且和熊教子指燈烟勸

他茹毒攻苦喜鵬搏海運六月春消息透浪花
激處看鰲舉香名自流光千古

朝邑李朴

漢宮春一首

金石懿操貞靜幽閑松栢剛腸歷數閨闈裏誰
與齊芳郢膽毆菝高風直軼千秋上憑却寒梅
勁姿羞殺柳絮輕狂凜冽清標婺宿光瑩嬾
星輝朗葱葱蘭桂枝月殿飄香繡衣疏奏羨一
門節孝成雙從此玉堂載筆留得青史名揚

淳化羅弘誥

踏莎行二首

斷機遺踪三遷舊像倩誰扶向縹緗上人訝鄒
魯共斯文茅堂冰月堪惆悵四知雲孫三公
故巷母貞兒孝人欽仰細開圖畫看丹青芳名
千古相輝映

邑人陳虞後

烏弔月殘蛩吟風靜悲辛往事成一夢而今有
詔許旌賢幽芳萱草春風動簫鼓喧填冠裳

集並門庭前後輝光映即看鵬翼奮南溟幽借
自有賢臣頌

郝成烈

西江月

鑄就忠肝義膽由他水逝花開征鴻海燕去還
來時擬藁砧如在 試看堦前琪樹養成棟梁
竒才九原可作對高標濯肺勲青天載

王之翰

貞懿錄

古歌

黃鵠歌魯陶嬰作養幼孤明其不二庭也我
太孺人有馬擬黃鵠歌

黃鵠獨處兮宛頸不鳴腹悲無語兮妻矣其情
藏我故旌兮憂心京京生者恐育鞠兮死者不
可生亦有子兮飛以翅飛以翅兮昌其閔 帝
有閔之黃鵠節雉子班漢鏡歌鼓吹曲有雉子
班侯屈宰吾邑仁心浹於孺子如魯中牟馬曰

惟太母之訓擬雉子班有雉有雉兮在河梁
雉子朝雉兮其鳴將之干之孺子兮馴于桑維
令君有仁心兮孺子咸有采風奏之兮帝用
嘉爾墨綬繫誰訓之兮於戲太母

蘆臺孫維玄

華山蒼蒼渭水泱泱老母之德山高水長

馮翊楊惟揚

鏡破鸞分數十年滿腔心事總堪憐甘貧不厭
糟糠苦持節真如鐵石堅事親孝教子賢居霜

名譽重秦川旌揚屢荷觀風使佇俟 綸音下

九天

朝邑張可賢

氣凜凜節烈烈水之清玉之潔義方成天香燁
垂名遠流芳疊君不見天下猶傳魯母師關西
巧婦喧鷓鴣

邑人馮惟精

華之冰兮惟冰之潔惟節之烈華之松兮惟松
之青惟節之貞

仲喜聞

吟

莫白如玉貞懿冰霜白如玉莫堅如石貞懿清
操堅如石堪擬夫青天與皓日鐵爲姿兮金爲
質挺挺等黛之名流藹藹蘭香之馥郁痛藁砧
之長逝育芝桂以成立水粼粼兮山巒巒應同
山不移而水不息君不見萬古千秋明有月一
點真心堪并烈君不見萬古千秋潔有雪貞心
凜冽共卓越只今蒼顏鶴髮眉壽益增灼灼乎
如啖金莖之露服瓊瑤之屑自茲楊氏之族累
代彌昌不啻如四世三公金貂七葉吁嗟乎守
符漸臺望夫山頭屈指歷數節義貞慈誰敢與
同列况乎 璽書鳳啣 封章寵錫家聲益焜
耀而煜燁慈孝兩全一門震燄真誠是 聖主
之恩不朽之節

青諭苑希曾

說

嫂吾以栢舟之操蒙 天子恩旨樹坊表門落

成之日適當初度縉紳文學及親友皆有賀言
鴻章藻麗闡發殆至奚用同室人之肆筆舌爲
贅疣哉族衆曰吾家之有貞淑可以壯山嶽之
色爲邑閭光同此宗祐者得無慶乎慶斯言矣
乃翻然曰信吾嫂之貧也貞也孝翁姑而恤孤
也教子而成也人人知之不知吾家之有是嫂
有是侄也皆祖父之德義蓄而徐發者也亦天
之善爲乘除者也余家世醇篤閭里推重吾伯
學邃行修竟坎珂於庠序吾兄量足服人有崢
嶸之槩而卒以短折嘗三嘆天道之無知矣莊
生有言水之積也不厚則其負大舟也無力非
堅冰嚴霜之慘則陽和之氣不復今嫂叨 恩
綸侄附賢書則泰運方開之時也惟其有昔之
否是以有今之泰常存兢業則後之泰可保也
行將有民社之寄矣尚勗之以永萱堂之壽
皆萬曆四十六年歲次戊午季春之吉邑庠生
堂弟楊自持頓首拜撰

貞懿錄後跋

憶昔先君見背時母李方廿年不
肖震甫三齡耳當時母昏慟絕
粒誓殉泉下幸先大母與內
親多方勸諭始回于是稱未亡
人矢志盟節毅然以保世元宗

為任其間艱難險阻困窮拂鬱
殆人世所未有烈丈夫所難堪者
母獨履險若夷嗜苦如甘家
徒四壁形影相吊孤燈午夜
風雨淒其輒、機聲耳吾、書
聲耳與寐、蛩聲若同和而共

憐他如鬻衣裝以送終親滌潔
以侍疾丸熊和淚以督訓茹荼
啖糜以食貧數十年米冰揉
苦行載在輿論申呈與賢士
大夫之贈言者不能悉亦不容
贅獨念母習於苦忘於苦深

閩澹漠人世都捐顯寵榮名
夢想不到然綱常世所共重直
道不泯人心一時鄉紳士民合詞
共舉以其事聞于前

邑侯印今之山西總督瀛海馮公也
又轉以其事聞于前

督學即今之戶部侍郎瑯琊臧公也
次第褒嘉樹之棹楔登之憲綱
自是

諸臺採風出者必加旌獎會理學
張祿汀公自蒲坂署華諭雅

尚節孝題其扁曰貞貞賢懿範因

命得其事與詞而登之梓題曰
貞懿錄錄甫完適

直指龍公按陝觀風向俗首重
節義疏其事上聞于

皇祖

旨下建坊以旌其行此皆母自苦

自酬非不肯震能為光昭也震
不才不能大為顯揚以慰劬勞竊

慕古人三釜之義初選青邑青
于瀛海為家疫迎其母于宦邸
覩其蕭條之狀曰吾母子之苦蓋
天宮也爾當冰蘖自甘力勤王事

況吾家世清白正得為清白吏
以不墜家聲又何必厭清貧焉
不肖震仰承慈訓飲冰嚼雪潔
已恤民諸苦備當心血幾嘔不
敢毫髮玷染者惟恐隕越為
母儀羞也一片赤心

當道歷、鑒知及

皇上登極荷蒙

覃恩封其母為太孺人尋又有今調母
聞命而惕曰吾以陋巷嫠婦兩
以糶、藐孤今重叨

朝廷厚恩當益思圖報堅守清節

震唯、奉命愈加刻勵凜、惟
忝負是懼向疾苦而不向温飽
固株守此一心耳愧無他才能有
所豎立乃

縉紳先生達人碩士不肖不肖而
棄母善各相與摠藻摘辭一時

鴻章鉅篇若琬琰珠璣與

綸音相為輝映不肖震感九鼎之
重寧敢湮沒無傳謹合舊錄
翻而鐫之以成帙蓋以識

聖主之息世戴弗替亦以識

名公之賜世珍弗朽又以識吾子

母之善未有二心然其為金者
乎未也有綱常節義之好者
既見是快而興嘉惠之思則
雲錦之章當發于未艾矣

不肖男楊應震百頓謹啟

